

O'zDSMI rektori teatr san'ati fakulteti talabalari bilan davra suhbatini o'tkazdi

O'zbekiston davlat san'at va madaniyat instituti rektori v.b. Eldor Shermanov teatr san'ati fakulteti talabalari bilan uchrashib, ochiq muloqot o'tkazdi.

Uchrashuv talabalarning bo'sh vaqtlarini mazmunli o'tkazishlari, darslar davomida olgan bilimlarini doimiy tarzda mustahkamlab borish yetuk mutaxassis bo'lib yetishishlarida muhim ahamiyatga ega ekanligi, qo'shimcha mashg'ulotlar uchun institutda yaratilgan sharoitlar haqida suhbat o'tkazildi.

Shuningdek, mamlakatimizda yoshlarni qo'llab-quvvatlash, ayniqsa, oliy o'quv yurtlari bitiruvchilari bandligini ta'minlash, yosh mutaxassislarning samarali faoliyat olib borishlari uchun zarur shart-sharoitlar yaratish bo'yicha keng ko'lamli ishlar olib borilayotgani, bu borada institutda ham ko'plab ishlar amalga oshirilayotgani alohida qayd etildi.

«So'nggi yillarda sohada erishgan ulkan yutuqlar bilan bir qatorda muammolarimizga ko'z yumib keta olmaymiz. Yaqin o'tmishda birgina teatr san'ati bo'yicha 30 nafarga yaqin o'qituvchi doktorlik dissertatsiyasini himoya qildi, biroq teatrlarimizni hamon to'ldira olmayapmiz. Spektakllar yaratishda aholi talabini ham inobatga olishimiz lozim. Teatr inson tafakkurini rivojlantiruvchi eng qudratli vositalardan biri hisoblanadi», – dedi institut rektori v.b. Eldor Shermanov.

Rektor talabalarga axborot texnologiyalaridan foydalanish ko'nikmasiga ega bo'lishi muhim ekanligi, yetarli darajadagi xorijiy til bilish sertifikatiga erishish orqali qo'shimcha

stipendiya olishlari mumkinligi haqida ham aytib o'tdi. Bundan tashqari, xorijiy tillarni o'rganish, xalqaro miqyosda bilimlarini mustahkamlash, malaka oshirish imkonini yaratishi yuzasidan tavsiyalar berildi.

Hozirgi kunda institutning qator xorijiy oliy ta'lim muassasalari bilan hamkorligi yo'lga qo'yilganligi va bu orqali o'qituvchilar hamda talabalarning xorijda o'z bilim va malakalarini oshirish imkoniyatini yaratishi haqida so'z yuritdi.

Uchrashuv davomida internetdan to'g'ri foydalanish, axborot hujumlaridan ehtiyot bo'lish lozimligi aytib o'tildi. Shu bilan birga, ijtimoiy tarmoqlardan unumli foydalanish ishonchli va rasmiy bo'lmagan sahifalarni kuzatishda ogoh bo'lish, turli yolg'on hamda aldovlarga ishonib qolmaslik muhimligi ta'kidlandi.

Qolaversa, talabalar o'zlarini qiziqtirgan savollar yuzasidan tegishli ma'lumotlarga ega bo'lishdi.








Madaniyat va san'at xodimlari kuni munosabati bilan bayram tadbiri o'tkazildi


O'zbekiston davlat san'at va madaniyat instituti o'quv teatrida 15 aprel – Madaniyat va san'at xodimlari kuni munosabati bilan bayram tadbiri o'tkazildi.


Tadbirni ilmiy ishlar va innovatsiyalar bo'yicha prorektor Sobir Jumayev ochib berib, fidoyilik va jonkuyarli bilan mehnat qilayotgan soha vakillarini mazkur ayyom bilan tabrikлади.

Konsertda el suygan xonandalar bilan bir qatorda iqtidorli talabalar diltortar taronalar, doira raqsi, qo'g'irchoq tomoshasi va boshqa ko'rinishlar orqali tomoshabinlarga zavq va quvonch baxshida etdi.









Kutubxonachilik sohasiga oid Respublika ilmiy-amaliy konferensiyasi o'tkazildi

Oliy ta'lim, fan va innovatsiyalar vazirligi, Madaniyat vazirligi hamda O'zbekiston davlat san'at va madaniyat institutining kutubxonashunoslik kafedrasida hamkorligida «Kutubxona-axborot xizmati jarayonlarini takomillashtirish, mutolaa madaniyatini yuksaltirishning nazariy va metodologik muammolari» mavzusida I Respublika ilmiy-amaliy konferensiyasi o'tkazildi.

Konferensiyaning ochilish qismida Madaniyat vazirining

birinchi o'rinbosari Avazxon Tadjixanov, ilmiy ishlar va innovatsiyalar bo'yicha prorektor Sobir Jumayev hamda kutubxonachilik kafedrası professori Ibrohim Yo'ldoshev nutq so'zlab, ishtirokchilarni madaniyat va san'at xodimlari kuni bilan tabrikladi hamda ularga muvaffaqiyat tiladi.


Yalpi majlisda professor, fan doktor, olim va ziyolilar o'z ma'ruzalari bilan ishtirok etishdi.

Shu bilan birga, oliygoh hududida sho'balər tashkil etilib, «Kutubxona-axborot muassasalarida mutolaa va axborot madaniyatini yuksaltirish masalalari», «Kutubxona-axborot muassasalari faoliyati jarayonlarini takomillashtirishning muammo va yechimlari», «Respublika aholisiga kutubxona-axborot xizmati ko'rsatishda an'anaviylik va zamonaviylik uyg'unligi» kabi mavzular muhokama qilindi.

Konferensiya so'ngida ishtirokchilar sertifikat bilan taqdirlandi.









Janubiy Koreya oliygohi bilan hamkorlik masalalari muhokama qilindi

O'zbekiston davlat san'at va madaniyat instituti rektori v.b. Eldor Shermanov Janubiy Koreyaning Cha tibbiyot universiteti professori Kim Mik Yung bilan uchrashdi.

Muloqot davomida hamkorlik masalalari muhokama qilindi. Unga ko'ra, kelgusida qo'shma dastur asosida musiqa terapiyasi yo'nalishini tashkil etish borasida fikr almashildi.

«Tibbiyot va san'at bir-biridan yiroq tushuncha bo'lishi mumkin, biroq ulardagi vazifa bir-biriga juda yaqin. Tibbiyotda odamning tana a'zolariga oid kasalliklar davolansa, san'at insonning qalbiga malham bo'ladi», – dedi Eldor Shermanov.

O'z navbatida, koreyalik professor ham bu fikrni ma'qulladi:


«Koreyada musiqa orqali shifo ulashish usuli keng tarqalgan. Jumladan, zamonaviy 3D ko'zoynak orqali dipressiyaga tushgan bemorlar davolanadi».

Uchrashuv so'ngida kelgusida hamkorlik aloqalarini yo'lga

qo'yish bo'yicha kelishuvga erishildi. Shu bilan birga, mehmonlar uchun Muhammad Yusuf ko'shkida folklor va etnografiya ta'lim yo'nalishi talabalari tomonidan turli ko'rinishlar namoyish etildi.







Grim san'ati yo'nalishi talabalari uchun xorijlik mutaxassislar tomonidan mahorat darslari tashkil etiladi



O'zbekiston davlat san'at va madaniyat institutining grim san'ati ta'lim yo'nalishida tahsil olayotgan talabalar uchun Turkiya Respublikasi mutaxassislari tomonidan mahorat darslari tashkil etiladi.

Oliygo'ra rahbariyati mazkur sohada faoliyat olib boruvchi tashkilotning mamlakatimizdagi vakillari bilan uchrashdi.

Uchrashuvda o'zaro hamkorlik, shu jumladan, talabalarni xorijga yuborish masalalari muhokama qilindi.

Shu bilan birga, yaqin vaqt ichida Turkiya Respublikasidan grim sohasi mutaxassislari taklif etilib, mazkur yo'nalishda tahsil olayotgan talabalar uchun master-klass o'tkazilishi borasida kelishuvga erishildi.





**Taniqli
klipmeyker
Bahodir**

**kinorejissyor
va operator
Yo'ldoshev**

ishtirokida mahorat darsi o'tkazildi

Kino, televideniye va radio rejissyorligi kafedrasida tashabbusi bilan O'zbekiston davlat san'at va madaniyat institutida taniqli kinorejissyor, klipmeyker va operator Bahodir Yo'ldoshev ishtirokida mahorat darsi o'tkazildi.

Hozirgi kunda AQSH kinosanoati hisoblangan Holliivudda ijod qilayotgan Bahodir Yo'ldoshev rejissyorlik, operatorlik va animatsiya yo'nalishida tahsil olayotgan talabalari bilan o'z bilim va ko'nikmalarini o'rtoqlashdi.

Qolaversa, talabalar o'zlarini qiziqtirgan savollar yuzasidan foydali ma'lumotlarga ega bo'lishdi.





Malaka oshirish tarmoq markazida tahsil olgan rahbarlarga sertifikat topshirildi

O'zbekiston davlat san'at va madaniyat instituti qoshidagi Malaka oshirish tarmoq markazida qisqa muddatli malaka oshirish kurslarida tahsil olgan vazirlik tizimidagi professional ta'lim muassasalari rahbarlarini sertifikat bilan taqdirlash marosimi bo'lib o'tdi.


Tadbirda Madaniyat vazirining birinchi o'rinbosari Avazxon Tadjixanov hamda institut rektori v.b. Eldor Shermanov ishtirok etdi.


«O'ylaymanki, malaka oshirish kurslari barcha uchun foydali bo'ldi. Bugungi kunda nafaqat mamlakatimiz, balki xorijda bilim olish uchun keng qamrovli imkoniyatlar mavjud. Bu ham




davlatimiz rahbarining ta'lim sohasiga qaratayotgan e'tiboridan darak beradi. Biz imkon qadar sizlarni qo'llab-quvvatlaymiz», – dedi vazir o'rinbosari.


Shuningdek, O'zDSMI rektori v.b. Eldor Shermanov Qoraqalpog'iston Respublikasi va viloyatlardagi professional ta'lim muassasalari rahbarlari bilan o'rnatilgan hamkorlik aloqalari to'g'risida fikr bildirib, bu jarayon amaliy va bardavom bo'lishiga tilakdosh ekanligini aytdi.

Marosim so'ngida malaka oshirish kurslarida tahsil olgan rahbarlar sertifikatlar bilan taqdirlandi. O'z navbatida ular tomonidan vazirlik hamda institut rahbariyatiga minnatdorchilik bildirildi.













Milliy qo'shiqchilik kafedrası professori Ahmadjon Dadayev ijodiy kechasi o'tkazildi

O'zbekistonda davlat san'at va madaniyat institutida milliy qo'shiqchilik kafedrası professori, O'zbekiston Respublikasida xizmat ko'rsatgan artist, «Do'stlik» ordeni sohibi Ahmadjon Dadayevning «O'zbekistonim yaxshidir» deb nomlangan ijodiy kechasi o'tkazildi.

Tadbirda institut rahbariyati, professor-o'qituvchilar, ustoz-

murabbiylar, ishchi xodimlar, mehmonlar, talabalar ishtirok etdi.

Bayramona konsert dasturi san'atkorning yaqinlari, shogird-u muxlislari, oliygohda tahsil olayotgan ijodkor yoshlarga katta quvonch bag'ishladi.

Ijodiy kecha davomida qayd etilganidek, musiqa insonda yuksak didni shakllantirishga xizmat qiladi va unga ma'naviy ozuqa beradi. Kishi ruhiyatiga kuchli ta'sir ko'rsatib, nafosat olamiga olib kiradi.

Ahmadjon Dadayev an'anaviy mumtoz musiqa merosi, maqom ijrochilik san'ati sirlarini qunt bilan o'zlashtirgan ijodkordir. Ustoz tomonidan yaratilgan asarlar zamonaviy ijrochilik amaliyotida keng ommalashgan, deyish mumkin.

Uzoq yillardan buyon musiqa san'ati sohasida mehnat qilayotgan mamlakatimizning madaniyati hamda san'ati taraqqiyotiga munosib hissa qo'shib kelayotgan, ko'plab san'atkorlarning ustози bo'lgan Ahmadjon Dadayev o'z kasbiga va talabalariga mehr qo'ygan, yuksak madaniyatli, keng dunyoqarashga ega bo'lgan shaxs ekanligini e'tirof etish joizdir.

Tadbirda jonli tarzda ijro etilgan kuy-qo'shiqlar barchaga ko'tarinki kayfiyat bag'ishladi.







